

Në bazë të nenit **2.** paragrafi **2. 2** të Rregullores së UNMIK-ut nr. **2000/45** për Vetëqeverisjen e Komunave të Kosovës, nenit **19** të Statutit të Komunës së Prishtinës të datës **16.03.2001**, Kuvendi i Komunës së Prishtinës, në mbledhjen e vet, të mbajtur më **30.09.2003** nxorri.

**RREGULLOREN
PËR
FILLIMIN DHE MBARIMIN E ORARIT TË PUNËS NË LËMINË E TREGTISË ,
HOTELIERISË, ZEJTARISË DHE SHËRBIMEVE TË TJERA NË TERRITORIN E
KOMUNËS SË PRISHTINËS .
(TEKST I SPASTRUAR)**

I. Dispozitat e përgjithshme.

Neni 1.

Me këtë Rregullore përcaktohet fillimi dhe mbarimi i orarit të punës në lëmin e tregtisë, hotelierisë, zejtarisë dhe shërbimeve të tjera në territorin e Komunës së Prishtinës, në bazë të nevojave dhe kërkesave të punonjësve dhe të qytetarëve .

Neni 2.

Të gjitha subjektet afariste të themeluara dhe të regjistruara në pajtim me dispozitat e Rregullores së UNMIK-ut nr..2001/6 për shoqëritë tregtare: shoqëritë aksionare, shoqëritë me përgjegjësi të kufizuar, bizneset individuale, ortakëritë etj, janë të obliguara t'i përmbahen orarit të punës, të përcaktuar me këtë Rregullore.

Neni 3.

Orari i fillimit dhe mbarimit të punës, i përcaktuar me këtë Rregullore, duhet të vendoset në hyrje apo në vend të dukshëm të objektit në të cilin kryhet veprimtaria . Duhet saktësuar orarin e punës para dite dhe pas dite, si dhe ditët që nuk punohet.

1.

II. Koha e punës

Neni 4.

Përcaktohet orari i punës në interval kohor :

Periudha verore fillon më01.04. dhe zgjatë deri më 30.09 të vitit,

Periudha dimërore fillon më.....01.10. dhe zgjatë deri me 31.03 të vitit.

4.1 Orari i punës i dyqaneve zejtare fillon prej orës08.00. deri 20.00

4.2 Furat e bukës do të punojnë çdo ditë prej orës.....04.00. deri 22.00

Të dielave dyqanet zejtare nuk punojnë, përveq salloneve të ondulimit dhe kozmetikës.

4.3 Orari i punës i vetëshërbimeve , supermarketeve, dyqaneve tregtare:

-në periudhën verore prej orës07.00. deri 22.00.

-në periudhën dimërore prej orës08.00. deri 21.00.

Të dielave deri në ora11.00.

4.4 Orari i punës i depove të artikujve ushqimorë dhe jo ushqimor.

-në periudhën verore prej ores.....08.00. deri 17.00.

-në periudhën dimërore prej ores.....08.00. deri 16.00.

Të dielave nuk punohet

Neni 5.

Hotelet , motelet do të punojnë :

- në periudhën verore prej orës00. deri 24.00.

- në periudhën dimërore prej ores.....00. deri 24.00.

VËREJTJE: Pas orës **24.00** nuk lejohet shërbimi i mysafirëve jashtë objektit të hotelit, motelit

Neni 6.

6.1 Kafe-baret, internet- kafet, disko - klubet do të punojnë :

- në periudhën verore prej orës07.00 deri 23.00
- në periudhën dimërore prej orës.....08.00 deri 22.00.

6.2 Restorantet, ëmbëltoret e të ngjajshmet do të punojnë në këtë orarë:

- në periudhën verore prej orës 07.00 deri 24.00,
- në periudhën dimërore prej orës..... 08.00 deri 23.00.

Klubet e natës do të punojnë me këtë orarë: gjatë periudhës verore dhe dimërore prej orës 23.00 deri 05.00.

Veprimtaritë e lartpërmendura në paragrafin 1 dhe 2 të këtij neni , gjatë orarit të punës nuk mund t'u prishin qetësinë qytetarëve që banojnë në afërsi të tyre , qoftë me muzikë apo me forma të tjera.

Neni 7.

Tregjet e qytetit :Tregu në Ulpianë,, tregu i gjelbërt , tregu në Kodëren e Diellit dhe Pallatit të Rinisë do të punojnë me këtë orarë :

- në periudhën verore prej orës 05.00 deri 18.00,
- në periudhën dimërore prej orës07.00 deri 17.00,
- të shtunave prej orës..... 08.00 deri 16.00,
- të dielave prej orës 08.00 deri 12.00.do të punojë Tregu i Gjelbërt prapa Gjykatës së Qarkut.,
- Tregu i kafshëve do të punojë të martëve prej orës06.00 deri 15.00.
- Tregu i automobilave do të punojë të dielave prej orës:07.00 deri 15.00.

Neni 8.

Përfundim nga dispozitat e nenit 6 dhe 7 të kësaj Rregulloreje bëjnë objektet që gjenden jashtë vendbanimeve dhe mund të punojnë më shumë se orari i punës, i përcaktuar me pëlqimin e Drejtoratit për ekonomi.

Neni 9.

Në objektet hoteliere të cilat gjenden në afërsi të objekteve të banimit e në të cilat organizohet program i gjallë muzikor apo me audio - video mjete për rreproduktimin e programit, programi nuk mund të mbahet pas orës **23.00**.

Me " afërsi të drejtëpërdrejtë" kuptohet largësia **100 m** nga objekti i banimit .

Neni 10.

Objektet për shitjen e karburanteve do të punojnë në këtë orarë :

- në periudhën verore dhe dimërore prej ores.....06.00 deri 24.00.

Së paku dy pika shitjeje do të kujdestarojë non-stop **24 orë** , orarin e kujdestarisë do t'a përcaktojnë subjektet afariste të cilat merren me shitjen e karburanteve. Orari do të hartohet për 1 muaj dhe do t'i dorëzohet Inspektionit të Tregut në fund të muajit për muajin vijues.

Neni 11.

Barnatoret do të punojnë me këtë orarë:

- për periudhën verore prej orës.....08.00 deri 20.00.

- për periudhën dimërore prej orës.....08.00 deri 19.00.

Së paku dy barnatore do të punojnë non-stop **24 orë** .Orarin e kujdestarisë do t'a përcaktojë vet barnatorja . Orari do të hartohet për 1 muaj dhe to t'i dorëzohet Inspektionit të Tregut për muajin vijues .

Orari i kujdestarisë do të caktohet sipas alfabetit të mbishkrimeve të subjekteve afariste , dhe të gjitha subjektet afariste kanë obligim që të vendosin orarin e kujdestarisë .

III. Zgjatja e orarit të punës

Neni 12.

Restorantet, kafe - bare, dyqanet hoteliere,vetëshërbimet , supermarketet , dyqanet tregtare, mund të punojnë më gjatë se orari i punës i përcaktuar me këtë Rregullore.

Për punën më të gjatë se orari i paraparë, duhet marrë pëlqimin e Drejtoratit të Ekonomisë.

Për çdo orë pune më gjatë se orari i punës duhet paguar :

- objektet hoteliere (restorantet, kafe-baret,dyqanet hoteliere)... 10.00 Euro.
- supermarketet , vetëshërbimet,dyqanet tregtare.....5.00 Euro.

Neni 13.

Subjektet afariste mund të zgjasin orarin e punës si në rastet :

- për festën kombëtare 28 Nëntori, deri në orën 01.00,
- për festat fetare : bajrami i madh , bajrami i vogël , krishtlindjet, pashkët etj deri në ora 01.00,
- për festën e gruas 8 Marsi, orari zgjatë deri në orën 01.00,
- për festën Shën Valentini, orari zgjatë deri në orën 01.00,
- për festën e Vitit të Ri, orari zgjatë deri në orën 04.00,
- për ditën e çlirimit të Prishtinës , orari zgjatë deri në orën 01.00.

Për rastet e caktuara më lartë nuk duhet të paguhet taksa dhe tarifa komunale.

IV. Dispozitat ndëshkuese

Neni 14.

Të gjitha subjektet afariste të cilat nuk do ta respektojnë fillimin dhe mbarimin e orarit të punës, të paraqitur në nenet 4.5.6.7 e i cili do të konstatohet nga Inspeksioni apo Policia, do të dënohen për kundërvajtje:

- personat juridikë300 deri 400 Euro,
- personat fizikë150 deri 250 Euro,

Neni 15.

Të gjitha subjektet afariste të të cilat do të konstatohet se kanë zgjatur orarin pa pëlqimin dhe Vendimin e Drejtoratit të Ekonomisë në Prishtinë, do të gjobiten për kundërvajtje:

- personat juridikë250 deri 350 Euro,
- personat fizikë150 deri 250 Euro.

V. Dispozitat kalimtare dhe të fundit

Neni 16.

Për zbatimin e kësaj Rregulloreje do të kujdeset : Drejtorati i Ekonomisë, ndërsa mbikëqyrjen do të bëjë Drejtorati i Inspektionit – Sektori i Inspektionit të Tregut dhe Policia.

Neni 17.

Personat juridikë , gjegjësishtë themeluesit e dyqaneve janë të obliguar që të harmonizojnë orarin e punës me dispozitat e këtij Vendimi , ditën e nesërme nga dita e hyrjes në fuqi të tekstit të spastruar të kësaj Rregulloreje.

Neni 18.

Me ditën e hyrjes në fuqi të kësaj Rregulloreje shfuqizohet çdo vendim i mëparshëm komunal që ka rregulluar fillimin dhe mbarimin e orarit të punës për subjektet afariste .

Neni 19.

Kjo Rregullore hynë në fuqi ditën e aprovimit nga ana e Kuvendit të Komunës .

KUVENDI I KOMUNËS SË PRISHTINËS
NR. _____DT. _____
PRISHTINË

KRYETARI I KUVENDIT TË KOMUNËS
Ismet Beqiri